



***Javna ustanova Srednja ugostiteljsko-turistička škola
Public institution Secondary school of hospitality and tourism***

Broj: 01-1-117/23

Sarajevo, 03.03.2023. godine

Na temelju odredbi člana 143. Zakona o srednjem obrazovanju ("Službene novine Kantona Sarajevo" broj: 23/17; 30/19 i 33/21) i člana 128. Pravila Javne ustanove Srednja ugostiteljsko-turistička škola Sarajevo, u skladu sa članom 9. stav (1) Pravilnika o izboru, kriterijima za izbor, nadležnostima i radu direktora srednjih škola u Kantonu Sarajevo („Službene novine Kantona Sarajevo" broj: 46/18), na osnovu Rang liste kandidata za izbor direktora Škole, na II izbornoj sjednici održanoj dana 03.03.2023. godine, Školski odbor Javne ustanove Srednja ugostiteljsko-turistička škola Sarajevo donosi

**ODLUKU
o izboru i prijedlogu za imenovanje direktora**

1. Pašić Bahra, bira se i predlaže za imenovanje direktora Javne ustanove Srednja ugostiteljsko-turistička škola Sarajevo na mandatni period od 4 (četiri) godine.
2. Školski odbor Javne ustanove Srednja ugostiteljsko-turistička škola Sarajevo je glasanjem donio Odluku o izboru kandidata za imenovanje direktora Škole, nadpolovičnom većinom glasova ukupnog broja članova Školskog odbora.
3. Školski odbor Javne ustanove Srednja ugostiteljsko-turistička škola Sarajevo će se obratiti Vladi Kantona Sarajevo, putem resornog Ministarstva, zahtjevom za saglasnost za imenovanje direktora Škole u skladu sa odredbama Zakona o srednjem obrazovanju Kantona Sarajevo, Pravilnikom o izboru, kriterijima za izbor, nadležnostima i radu direktora srednjih škola u Kantonu Sarajevo i Pravilima Javne ustanove Srednja ugostiteljsko-turistička škola Sarajevo.
4. Ova Odluka stupa na snagu danom donošenja.

Obrazloženje

Školski odbor Javne ustanove Srednja ugostiteljsko-turistička škola Sarajevo je na I izbornoj sjednici održanoj dana 03.03.2023.godine, u skladu sa članom 8. stav (1) Pravilnika o izboru, kriterijima za izbor, nadležnostima i radu direktora srednjih škola u Kantonu Sarajevo („Službene novine Kantona Sarajevo“, broj: 46/18), u ostavljenom roku, iz Sekretarijata Škole preuzeo pristigle prijave na Javni konkurs za izbor direktora Škole, otvorio i pregledao prijave kandidata po Javnom konkursu za izbor direktora ove Javne ustanove, objavljenog dana 30.01.2023. godine na web stranici Ministarstva za odgoj i obrazovanje Kantona Sarajevo, te u dnevnom listu „Oslobođenje“. Krajnji rok za dostavljanje dokumentacije bio je dan 14.02.2023. godine, odnosno 15 (petnaest) dana od dana objave teksta Javnog konkursa za izbor direktora

ove Javne ustanove. Na sjednici je Školski odbor na osnovu dostavljenih prijava utvrdio da su po Javnom konkursu za izbor i imenovanje direktora ove Javne ustanove, blagovremeno, u Sekretarijatu Škole, zaprimljene dvije prijave, i to prijava kandidata Alić Suada, dj.broj: 04-155/23 od 13.02.2023. godine i prijava kandidata Pašić Bahre, dj.broj: 04-157/23 od 13.02.2023. godine, da su iste uredne i potpune, te da kandidati ispunjavaju uslove tražene predmetnim Javnim konkursom. Školski odbor je na istoj sjednici utvrdio Listu kandidata koji ispunjavaju uslove Javnog konkursa za izbor i imenovanje direktora/ice Javne ustanove Srednja ugostiteljsko-turistička škola Sarajevo na mandatni period od 4 (četiri) godine, kao i Listu kandidata za obavljanje intervjua. Školski odbor je u skladu sa članom 8. stav (3) Pravilnika o izboru, kriterijima za izbor, nadležnostima i radu direktora srednjih škola u Kantonu Sarajevo („Službene novine Kantona Sarajevo“ broj: 46/18), na sjednici održanoj dana 03.03.2023. godine, donio Odluku o datumu i vremenu obavljanja intervjua sa kandidatima koji ispunjavaju uslove Javnog konkursa, te zadužio sekretara škole da imenovanim kandidatima uputi pismeni poziv za intervju u roku propisanom navedenim Pravilnikom. Intrevjui su obavljani dana 03.03.2023. godine u 14,30 sati i u 15,00 sati. Školski odbor je pitanja za intervjue utvrdio na istoj sjednici, neposredno prije samog početka razgovora sa kandidatima, u skladu sa članom 8. stav (4) Pravilnika o izboru, kriterijima za izbor, nadležnostima i radu direktora srednjih škola u Kantonu Sarajevo, te sačinio Listu pitanja za provjeru radnih i stručnih sposobnosti i teme za razgovor sa kandidatima. Nakon obavljenog intervjua sa kandidatima, ocjenjivanja kandidata na propisanom obrascu, u skladu sa kriterijima za izbor direktora iz člana 5. Pravilnika, utvrđivanja broja bodova i pripadajućeg ranga kandidata koji su pristupili na intervju, Školski odbor je na istoj sjednici dana 03.03.2023. godine utvrdio Rang listu kandidata za izbor direktora djl.broj: 01-1-115/23. Kandidat Alić Suad osvojio je ukupno 41,25 bodova od mogućih 50 bodova i ispunio uslove iz člana 8. stav (8) Pravilnika. Kandidat Pašić Bahra je na utvrđenoj rang listi ukupno osvojila 46,00 bodova od mogućih 50 bodova i ispunila uslove iz člana 8. stav (8) Pravilnika. Školski odbor je na sjednici održanoj dana 03.03.2023. godine, u skladu sa članom 8. stav (7) Pravilnika izvršio izbor i utvrdio prijedlog za imenovanje direktora Javne ustanove Srednja ugostiteljsko-turistička škola Sarajevo na mandatni period od 4 (četiri) godine. Na osnovu naprijed navedenog, Školski odbor je odlučio kao u dispozitivu ove Odluke.

Pravna pouka: Nezadovoljni kandidat svoja prava može ostvarivati u Zakonom ostavljenom postupku.

Predsjednik Školskog odbora

Admir Akšamović, prof.

Dostaviti:

1. Kandidatima po Javnom konkursu x2
2. Resornom Ministarstvu putem predstavnika u ŠO
3. Radnicima putem predstavnika u ŠO/oglasna ploča
4. Vijeću roditelja putem predstavnika u ŠO/oglasna ploča
5. Gradu putem predstavnika u ŠO
6. Sindikalnoj organizaciji/predsjedniku
7. Uz materijal Školskog odbora/arhiva.